

# UNGLINGAR OG ADHD



# UNGLINGAR OG ADHD

## ERU ALLIR UNGLINGAR MEÐ ADHD EINS?

Megineinkenni ADHD eru eins hjá flestum einstaklingum og þar af leiðandi telur fólk oft að unglingar með ADHD séu allir eins og hagi sér eins. Unglingar með ADHD eru eins og annað fólk, þeir hafa mismunandi persónuleika, mismunandi hæfileika og mismunandi áhugamál. Þeir koma úr mismunandi aðstæðum og tækifærin eru ekki alltaf þau sömu. Sumir unglingar með tiltölulega væg ADHD einkenni geta fengið alvarlegri fylgieinkenni, t.d. hegðunarröskun, en unglingar með mikil einkenni ADHD. Ástæðnanna getur verið að leita í persónuleika, hæfileikum og uppeldisaðstæðum en fleira getur einnig spilað inn í. Hér skipta máli áhættuþættir og verndandi þættir.



# ÞRÓUN ADHD EINKENNA

## OFVIRKNI

Hreyfióróleikinn minnkar og oft fækkar einkennum. Óróleikinn getur þó sést með því að unglingsurinn getur átt það til að pikka, pota og fikta, t.d. í tökkum. Hann prílar ekki og er ekki eins og þeytispjald (eins og oft er um að ræða hjá yngri börnum með ADHD) en hann getur eins og áður talað mjög mikið og honum getur fylgt mikill fyrirgangur. Innri órói er oft til staðar hjá unglingsum, hann hugsar um margt í einu og getur átt erfitt með að sitja kyrr nema í stuttan tíma. Þetta getur verið áberandi í skólanum og í aðstæðum sem krefjast mikillar einbeitni.

## HVATVÍSI

Hvatvísí er enn til staðar á unglingsárum en hún birtist í því að unglingsurinn framkvæmir áður en hann hugsar. Hann getur brugðist illa við áreiti sem leiðir af sér pirring og skapofsaköst, ásamt því að eiga erfitt með að bíða og verður þá oft argur. Hvatvísí verður oft verulegt vandamál á unglingsárum. Erfið hegðun, lítil sjálfssstjórni og reiðivandi eru ekki óalgeng og unglungur missir gjarnan stjórni á sjálfum sér.

## ATHYGLISBRESTUR

Flest öll athyglisbrestseinkennin eru til staðar þegar kemur að unglingsárunum. Oft er mjög erfitt að greina á milli óhlýðni og afleiðinga athyglisbrests þegar unglingsurinn fer ekki eftir fyrirmælum. Athyglisbrestur getur verið mjög íþyngjandi, t.d. í skólanum. Sumir fræðimenn telja að þeir sem hafa íþyngjandi athyglisbrest fái frekar fylgiraskanir sem beinast inn á við og því séu kvíði og þunglyndi frekar fylgiraskanir með athyglisbresti heldur en hegðunarvandi með ofvirkni.

# HVERNIG ERU UGLINGAR MEÐ ADHD ÖÐRUVÍSI EN BÖRN OG FULLORÐNIR MEÐ ADHD

## STJÓRN OG VÖLD

Hjá börnum eru foreldrar og fjölskyldan mikilvægustu félagstengslin ásamt kennurum og vinum. Vinir barnanna koma oftast úr nærsamfélagini, oft úr sama bekk, og foreldrar þekkja vini bárna sinna. Unglingurinn tengist hins vegar fólkí utan fjölskyldu og þessi tengsl verða honum mjög mikilvæg, sérstaklega tengsl við jafnaldra. Með aukinni tækni víkka landfræðileg mörk og unglingsurinn getur átt vini og kunningja út um allt land eða jafnvel allan heim. Þetta á unglingsurinn með ADHD sameiginlegt með jafnöldrum sínum en hann er viðkvæmari og þarf meiri stjórn en þeir sem ekki eru með ADHD. Þetta getur valdið árekstrum við foreldra og unglingsurinn upplifir oft að honum sé vantreyyst.

Valdabarátta milli unglings og foreldis eykst mjög oft á unglingsárum en hún fylgir eðlilega aukinni þörf unglingsins fyrir sjálfstæði og stangast á við þörf foreldra til að stýra unglingsnum. Foreldrar óttast slæman félagsskap, jafnvel neyslu vímuefna og hafa áhyggjur af að unglingsurinn bíði skipbrot í skóla og/eða fái ekki menntun við hæfi. Unglingurinn er ólíkur þeim fullorðna að því leyti að hann er enn að taka út þroska. Hann hefur einnig úr styttri reynslu að moða og getur ekki borið sömu ábyrgð, hvorki á sjálfum sér né öðrum. Unglingar haga sér oft eins og þeir séu bæði almáttugir og ódaudlegir. Þeir þekkja oft ekki eigin takmarkanir og meta getu sína of mikla eða of litla, sjá ekki fyrir sér hættur eins og fullorðnir. Unglingar eru einnig afar háðir álti annarra unglingsa.

# MÓTUN SJÁLFSMYNDAR

Hugmyndir unglings um sjálfan sig móta gerðir hans. Hegðunin endurspeglar hugmyndir hans um hver hann er eða hver hann vill vera. Sjálfsmýnd getur dalað vegna erfiðrar reynslu. Sjálfsmýnd unglings í skóla getur versnað vegna utanaðkomandi aðstæðna, t.d. milli skólastigra þar sem persónuleg aðstoð minnkar oft með hækkuðum skólastigum og álag eykst í námi.

## ÞÆTTIR SEM HAFA ÁHRIF Á MÓTUN SJÁLFSMYNDAR ERU M.A.:

- Aðlögun og stjórni á hegðun
- Frammistaða í námi og námsgeta
- Útlit og eiginleikar
- Öryggi og vinsældir
- Glaðlyndi og ánægja

Sjálfsmýnd foreldra skiptir einnig miklu máli en hún birtist í þeim uppeldisaðferðum sem þeir beita.





# UNGLINGAR MEÐ ADHD OG NÁM

Þegar komið er á unglingastig fer námsefnið að þyngjast og nemandinn þarf í auknum mæli að bera sjálfur ábyrgð á eigin námi. Kennurum fjölgar, sem og námsgreinum, og þétt utanumhald sem einkennt hefur yngri skólastigin minnkar. Nemendur með ADHD ráða oft illa við þessa auknu ábyrgð og árangur í námi fer dvínandi, sérstaklega hjá nemendum með athyglisbrest.

Neikvæð skilaboð, endurtekin mistök og slakur námsárangur skerða sjálfsmyndina og nemandi með slæma reynslu af skólagöngunni er líklegr til að flosna upp úr námi þegar í framhaldsskóla er komið. Ástæðan fyrir námsvandanum er ekki sú að nemandi með ADHD skilji ekki námsefnið heldur liggur vandinn oft í vinnubrögðunum. Að lesa langan texta, skipuleggja efnistök í ritgerð, verkefnaskil á réttum tíma og slakt tímaskyn hefur mikil áhrif. Hann skortir ekki skilning á námfni heldur þarf á aðstoð að halda við skipulagningu og nauðsynlegt er að taka tillit til þess og gera réttlátar kröfur til nemandans. Til þess að efla og styrkja nemandann þarf að aðlaga námið að raunverulegri getu og beina sjónum að styrkleikum fremur en veikleikum því með réttum úrræðum er hægt að hámarka námsárangur. Samstilt átak foreldra og skóla er einnig stór þáttur í jákvæðri upplifun nemandans og um leið eflir það virðingu og skilning á þeim vandkvæðum sem nemendur með ADHD glíma við.

Framhaldsskólinn er oft mikil áskorun fyrir unglings með ADHD og því er nauðsynlegt að vanda valið og skoða gaumgæfilega hvaða skóli og nám henta best. Hjá unglingum er tilhneiting til að velja sömu námsleið og félagarnir, án nánari umhugsunar, en mikilvægt er að rasa ekki um ráð fram og gæta þess að jafnvægi sé á milli væntinga og getu. Í framhaldsskóla aukast námskröfur og félagsleg samskipti verða flóknari. Unglingar með ADHD hafa oft ekki tileinkað sér nauðsynlega náms- og félagsfærni en þessir þættir hafa óhákvæmilega mikil áhrif á nám og líðan

## ÞEGAR HORFT ER TIL FREKARA NÁMS ER GOTT AÐ HAFA EFTIRFARANDI ATRIÐI Í HUGA:

- Hvaða nám hentar best, hvar liggur áhuginn?
- Hverjir eru styrkleikar nemandans og veikleikar?
- Hverjar eru helstu hindranir?
- Mikilvægt er að gera raunhæfar kröfur
- Er þörf á stuðningi í námi?
- Framtíðarsýn, setja sér markmið og útbúa áætlun



# HEGÐUNARVANDI Á UNGLINGSÁRUM

## MÓTPRÓI

Mótprói er algengur og oftast talinn til hegðunarvanda. Ástæðan er sjálfsagt sú að mótprói leiðir oft til erfiðleika í samskiptum eins og deilna, reiðikasta og leiðir oft yfir í valdabarattu. Ástæður mótpróa geta verið þær að unglingsurinn vill einfaldlega ekki gera það sem hann á að gera. Stundum vegna þess að hann vill ráða eða vegna þess að hann er að hefna sín en einnig getur það verið vegna þess að hann treystir sér ekki til að gera það sem hann á að gera. Til að vinna með mótpróa er best að ganga fyrst út frá því að ástæðan sé sú að nemandinn treysti sér ekki til að gera það sem á að gera, en geti ekki tjáð sig um það.

## MÓTSTÖÐUPRJÓSKURÖSKUN

Mótstöðuprjóskuröskun lýsir sér í erfiðri hegðun eða óhlýðni og virðingarleysi og illsku gagnvart öðru fólk. Þessi einkenni eru ekki eins alvarleg og einkenni hegðunarröskunar en eru samt sem áður alvarleg og þarf að taka sem slík. Í dag er farið að veita mótstöðuprjóskuröskun meiri athygli.

## EINKENNINN SKIPTAST Í:

- Reiði og pirring
- Rifrildi og mótpróa
- Illgirni og hefnigirnd



## HEGÐUNARRÖSKUN

Unglingur með móttöðuþrjóskuröskun ræður illa við neikvæðar tilfinningar, hann er oft á móti reglum og lendir í árekstrum, oftast við foreldra eða kennara. Unglingur með hegðunarröskun gengur lengra, hann brýtur samfélagslegar og siðferðilegar reglur og líka lög. Það skiptir máli hvort hegðunarröskun kemur fram á unglingsárum eða hefur verið til staðar á barnsaldri en miðað er við tíu ára aldur. Horfur þeirra sem sýna slíka hegðun sem börn eru talðar verri en þeirra sem byrja á unglingsaldri. Sömuleiðis er alvarlegra ef unglungurinn iðrast ekki eða finnur ekki til með þeim sem hann hefur komið illa fram við. Í greiningu er einnig metið hvort um er að ræða væga, meðal eða alvarlega hegðunarröskun.

## EINKENNINN SKIPTAST Í:

- Ofbeldishegðun í garð manna og dýra
- Skemmdarverk á eignum
- Svik eða þjófnað
- Alvarleg brot á reglum

Það er ekki algilt að unglungar með ADHD lendi í afbrotum og vímuefnaneyslu. Þó margir lendi í einhverjum vanda er ekki þar með sagt að þeir komist ekki aftur á beinu brautina.

## ÖLL HEGÐUN Á SÉR ÁSTÆÐU, HVERJAR ERU ÁSTÆÐUR ÁHÆTTUHEGÐUNAR

Til að bregðast við erfiðri hegðun þarf að gera sér grein fyrir hvað býr að baki. Ástæðan getur verið, eins og áður hefur komið fram að unglungur eigi í stríði við foreldra og aðra, hegðun sé partur af því að ná stjórnninni eða hegðunin er tilkomin vegna kvíða, því að hann treystir sér ekki til að gera það sem hann á að gera. Til að geta brugðist rétt við er mikilvægt að þekkjá barnið eða unglunginn.

Margir þættir hafa áhrif á heilsu og vellíðan og þeir þættir sem tengjast slæmri heilsu, fötlunum, sjúkdómum eða dauða, eru þekktir sem áhættuþættir. Áhættuþættir liggja einnig að baki andfélagslegrí hegðun. Þeir geta verið hjá barninu eða í umhverfi þess og eru sjaldnast einir á ferð en eru háðir öðrum þáttum og virka í samspili við þá.

## VERNDANDI ÞÆTTIR FYRIR ANDFÉLAGSLEGA HEGÐUN

Foreldar sem eru samstíga í uppeldi, setja skýr mörk og sýna festu eru verndandi þættir. Þeir leggja áherslu á að eiga góð tengsl við unglunginn, gera réttlátar kröfur og virkja hann til samvinnu í að finna lausnir á vanda. Góðar fyrirmynndir eru verndandi þættir og hafa mikil að segja gagnvart því að unglungur geti ræktað hæfileika sína bæði heima og í skóla.

# VÍMUEFANEYSLA OG ADHD

## Ástæður vímuefnaneyslu

Í byrjun er neysla oft hluti af hegðunarvanda þar sem unglingsurinn fer sínu fram. Einnig koma til áhrif frá félögum eða fyrirmyndum. Unglingurinn getur verið að sækjast eftir viðurkenningu eða er í félagsskap sem stundar neyslu og vill þar af leiðandi ekki skera sig úr hópnum. Mótstaða unglings með ADHD gegn vímefnum er lítil m.a. vegna hvatvísi, hann ræður ekki við að segja nei. Forvitni getur spilað þarna inn í, þ.e. unglingsinn langar til að prófa. Stundum verður neysla tæki til að vinna gegn vanlíðan, t.d. kvíða.

Sýnt hefur verið fram á að unglingar með ADHD eru í aukinni áhættu gagnvart vímuefnaneyslu, sérstaklega unglingar með ADHD og hegðunarröskun. Áhættan eykst ef unglingsurinn er einnig að glíma við þunglyndi.



## HVAÐ GETA FORELDAR GERT?

Alúð í uppeldi og leiðandi uppeldisstíll efla verndandi þætti og draga úr áhættuþáttum. Leiðandi foreldrar setja mörk en hlusta jafnframt á unglingsinn, sýna honum virðingu og leitast við að leita lausna á vanda sem kemur upp.

Gott er að setja grundvallarreglur sem ekki verður samið um og sem foreldrar fylgja eftir en um annað er hægt að semja. Nauðsynlegt er að foreldrar standi saman og beiti sömu uppeldisaðferðum.

Þó ástæður ADHD séu líffræðilegar geta umhverfisáhrif og félagsleg áhrif valdið því hvort einkenni verða þung eða léttvæg. Skipulag í umhverfi, góð tengsl við fjölskyldu og áhugamál sem barnið nær að rækta hafa mikil að segja. Líf unglings er mun flóknara en líf barnsins og því skiptir sköpum að veita honum stuðning og skilning.



# MÁ BÆTA SAMSKIPTI FORELDRA OG UNGLINGS?

## SAMTAL FORELDRA OG UNGLINGS

Það skiptir máli að eiga notalegt spjall um daginn og veginn, t.d. um áhugamál unglings og foreldra, hvernig dagurinn hefur gengið, hvað sé að fréttu af félögum unglingsins, hvað er á döfinni, málefni líðandi stundar eða annað sem fangar hugann. Samræður við kvöldmatarborðið eru tilvaldar til þess að virkja alla fjölskylduna í gott spjall.

## FORELDRUM ER GOTTAÐ HUGA AÐ EFTIRFARANDI:

- Snúast samskiptin meira um það sem aflaga fer en það sem er í lagi eða gott?
- Eru góðu stundirnar notaðar til að ræða vandamál og enda í leiðindum?
- Er hlustað á unglingsinn, þ.e. skoðanir hans og sjónarmið?
- Hlustar unglungur á foreldra? Ef ekki hvað geta foreldrar þá gert til að unglungur hlusti?

Foreldrar velta oft fyrir sér hvenær rétti tíminn sé til að tala um erfið mál. Best er að ræða saman um leið og málið kemur upp. Mikilvægt er að vera rólegur og málefnalegur. Gott er að biðja unglein að segja frá sinni hlið á málinu. Gera þarf mun á verki og persónu unglings, tala um vandann og láta koma skýrt fram að þið séuð ekki sátt við verkið en ekki gera lítið úr unglignum með neikvæðum athugasemdum eins og „þú ert alveg ómögulegur og alltaf að koma þér í vandræði“. Spyrra má unglein sem hefur gert mistök, „hvað ætlar þú að gera í málinu?“ Ræða þarf vandann málefnalega. Mikilvægt er að leita lausna sem báðir geta sambykkt og sætt sig við.



# KOSTIR ADHD

ADHD fylgja líka ýmsar jákvæðar hliðar. Unglingar með ADHD eru eins og annað fólk með mismunandi persónuleika og hæfileika. Þeir hafa sínar sterku hliðar og mikilvægt er að leyfa þeim að njóta sín en koma jafnframt til móts við þær sérstöku áskoranir sem fylgja ADHD.

## UNGLINGAR MEÐ ADHD GETA VERIÐ:

**Sköpunarglaðir.** Eru með hugann fullan af hugmyndum sem þeir þurfa að fá tækifæri til að þróa frekar. Margir geta náð langt í skapandi greinum ef þeir fá að njóta sín.

**Kraftmiklir.** Geta náð langt í íþróttum þar sem kraftur þeirra fær að njóta sín.

**Ofureinbeittir.** Hafa hæfileika til að sökkva sér niður í það sem vekur áhuga þeirra og geta jafnvel unnið við margt í einu.

**Umhyggjusamir og bíldir.** Hrifast oft af dýrum og börnum og eru óhræddir við að sýna það.

**Hressir og skemmtilegir.** Eiga auðvelt með að kynnast nýju fólk, eru opnír og forvitnir.

**Húmoriskir.** Sjá oft spaugilegu hliðina á hlutunum og geta hlegið að eigin mistökum.


**Hugsa út fyrir kassann.** Koma auga á nýjar leiðir til lausna og fá nýjar hugmyndir sem öðrum hafa ekki hugkvæmst.

**Traustir vinir.** Leggja mikið á sig fyrir þá sem eru þeim kærir.

**Einlægir.** Eru óhræddir við að segja sína skoðun og koma til dyranna eins og þeir eru klæddir.

**Óhræddir við að prófa nýja hluti.** Hvattísi og forvitni gerir það að verkum að þeir þora að gera eitthvað nýtt og spennandi.

Öllu máli skiptir að unglingar með ADHD fái að sinna því sem þeir eru góðir í og fái þá viðurkenningu sem þeim ber.



# VISSIR PÚ ...

Að unglingar með ADHD eru öörvísi  
en börn og fullorðnir með ADHD

Að alúð í uppeldi og leiðandi uppeldisstíll  
efla verndandi þætti og draga úr  
áhættuþáttum

Að slæm reynsla af skólagöngu eykur líkur  
á brottfalli úr framhaldsskóla

Að mikilvægt er að beina sjónum að  
styrkleikum fremur en veikleikum



**Höfundar:** Elín H. Hinrikisdóttir sérkennari  
og Sólveig Ásgrímsdóttir sálfraðingur

**Hönnun og umbrot:** Gísli Arnarson

**Prentun:** Litlaprent

**Útgefandi:** ADHD samtökin

**Styrktaraðilar:** Reykjavíkurborg og Félags-  
og vinnumarkaðsráðuneytið

**ADHD**  
**samtökin**

Háaleitisbraut 13  
108 Reykjavík

[www.adhd.is](http://www.adhd.is)  
adhd@adhd.is